

**2022**

**SITATIMENDE SENCHUBOMGOMO  
YESABELOMALI SETHEMU LESEMKHATSINI**

**Enoch**

**Godongwana**

**Indvuna yeTetimali**

**INKHULUMO**

**26 Imphala 2022**



Somlomo Lohloniphekile;  
Umhlonishwa, Mengameli Cyril Ramaphosa;  
Umhlonishwa, Sekelamengameli David Mabuza; Balingani  
Ngekwemsebenti beKhabhinethi;  
Emalungu Emikhandlu Lephetsi Yetetimali; Malunga Lahloniphekile;  
Umphatsi weLibhangesilulu LaseNingizimu Afrika;  
Ikhomishina yeTekugcogcwa Kwemtsela YaseNingizimu Afrika; Bantfu Bakitsi  
baseNingizimu Afrika:

Ngitiva ngihloniphekile ngekwetfula lemibhalo lelandzelako ngembi kwaleNdlu:

- Umtsetfosivivinyo Wekuchibela Tekwehlukanisa Kwemalingena wanga-2022;
- Umtsetfosivivinyo Wekulungiswa Tekwabiwa Kwetimali Tahulumende wanga-2022;
- Umtsetfosivivinyo Lokhetsekile Wekwabiwa Kwetimali TaHulumende
- Umtsetfosivivinyo Wetemareyithi Nemanani Etimali kanye neMtsetfosivivinyo  
Wekuchibela Imitsetfo yamalingena;
- Umtsetfosivivinyo Wekuchibela Imitsetfo Yetemtselo wanga-2022;
- Umtsetfosivivinyo Wekuchibela Imitsetfo Yetekulawulwa Kwemtsela wanga-2022;
- Luhlakamsebenti Lwetekugcogcwa Kwemtsela Lolubuyeketiwe;
- Lusebentisomali Lwavelonkhe Lolusilinganiso Lolungisiwe Lwanga-2022; kanye
- Nesitatimende Senchubomgomu Yesabelomali Sethemu Lesemkhatsini sanga-2022.

## SINGENISO

Make Somlomo, inhloso yemasu alohulumende kunciphisa buphuya, kungalingani kanye nekweswelakala kwemisebenti, kute kutsi kuzuze imphilo lencono yawonkhewonkhe.

NguMengameli wangaphambilini Nelson Mandela lowasikhumbuta kutsi; "*Intsandvo yelinyenti itawuba nalokucuketfwe lokuncane, futsi ngemphela, itawuphila sikhashana uma ngabe asingakwati kubukana noma-ke kulungisa tinkinga tetfu tetenhlaho netemnotfo kulomnotfo lowenabako futsi lokhulako.*"

Umnotfo waseNingizimu Afrika bewungasebenti kahle iminyaka leminengi.

Tihibe letinyentana tesakhiwo lesekusikhatsi lesidze tikhona tisachubeka

nekuphatamisa kukhula. Tifaka ekhatsi:

- kutfolakala kwagezi lokungatsembeki,
- tikhumulo temikhumbi letibitako naletingasebenti kahle kanye nenethiwekhi yetitimela,
- bugebengu nenkhohlakalo,
- emandla embuso labutsakatsaka, kanye
- nemazinga laphakeme ekugcila etimakethe kanye netihibe tekungena  
leticindzetela kuvela nekukhula kwemabhizinisi lamancane.

Letinsayeya tibukela phasi imitamo yetfu yekwakha ematfuba emisebenti, lokunemtselela emazingeni laphakeme ebuphuya nekungalingani.

Tinsayeya tetfu tesakhiwo tiye taba timbi kakhulu ngesizatfu sekuvela kwaletinsha, letifaka ekhatsi kwehla kwemnotfo emhlabeni wonkhe, emanani agesi lasetulu kanye nekudla; kanye nekwentelwa phasi lokubangelwa tinhlekelele temvelo njengetikhukhula letisandza kwenteka.

Sitatimende Senchubomgommo Yesabelomali Sethemu Lesemkhatsini sanga-2022 sihlose kubukana netidzingo tebantfu baseNingizimu Afrika kanye nekucinisekisa kusimama kanye nekucinisekisa kusimama kwelikusasa kanye nemphumelelo yetfu.

Lwenta kutsi kulungiswe lusebentisomali kute kutsi kuchutjekwe nekwakha kabusha timphilo kanye nesakhiwonchanti ngemuva kwemonakalo lobangwe tikhukhula ngasekucaleni kwalomnyaka.

Lubuyisela emandla etimali futsi lwakha kabusha indzawo yetimali tahulumende, nanoma-nje limuva letemnotfo lelingasilo lelivunanako.

*Inkhulumo Mayelana Nesitatimende*

Lwenta kancono lizinga lelifanele letinsita temmango njengeMfundvo kanye Netemphilo.

Luphindze futsi lubeke embili kuphepha nekuvikeleka kwebantfu bakitsi futsi lutjala ekukhuleni kwasikhatsi lesitako ngekukhulisa kusitwa ngetimali kwesakhiwonchanti lebalulekile.

## **SIMO SETEMNOTFO**

Make Somlomo, nyalo akengikhulume ngesimo setemnotfo.

Linyenti lebungoti lobuphawulwe Enkhulumeni Yesabelomali sangeNdlovana sabelomali 2022 tentekile.

Emhlabeni jikelele, loku kufaka ekhatsi: kwenyuka kwemandla emali, kucinisa timo tetimali kanye nemtselela lochubekako we-COVID-19, lokufaka ekhatsi kuvalwa lokucinile e-China kanye nemtselela wako ekudzingweni ngumhlaba wonkhe kanye nenchubo yekutsenga. Loku kwentiwa kwaba kubi kakhulu tincabano letavela emkhatsini weRussia ne-Ukraine.

Umphumela waloko-ke, kube kubuyeketwa kwekwehlisa sibiketelo sekukhula kwemhlaba wonkhe se-IMF sanga-2022, sesuka kumaphesenti la-4.4 saya kumaphesenti la-3.2, kantsi silinganiso sanga-2023 sisuka kumaphesenti la-3.8 saya kumaphesenti la-2.7.

Loku kusho kutsi simo semhlaba wonkhe ngeke sikwesekele kakhulu kakhula kwetfu kusaloko besikulindzele ngesikhatsi sabelomali.

Lesimo sicuketse bungoti lobunyenti, ikakhulukati letinciphisa kakhula kwemhlaba wonkhe kanye nekwehla kwemandla emali lasetulu uma imphi yaseRussia ne-Ukraine idlondlobala.

Kungenteka futsi kutsi kube nekulunganiswa kwemandla lokumile eYurophu lokutawuba nemtselela emanani emandla kanye nemkhicito emhlabeni wonkhe.

Kwehla lokuchubekako kwelizinga lekukhula kwemnotfo waseShayina kungenteka kutsi kwehlise lizinga lemandla ekufunwa ngumhlaba lokutawubese-ke futsi kwengeta kucindzeteleka kwetinchubo tekutsenga, lapho futsi kuciniswa kwenchubomgomo yetetimali kungenteka kutsi kunciphise ngalokuchubekako lizinga lemkhicito.

Lobu bungoti lobukhulu kakhulu emhlabeni.

Kulesimo, iminotfo lemincane levulekile lefana neyefu idzinga kucophelela kakhulu futsi ibe nemikhawulo lecinile yetimali kute imelane nesivunguvungu lesitako.

Ngekhatsi kuleli, sivinini lesicinile sekusimama kwemnotfo ngasekucaleni kwa-2022 saphatamiswa tikhukhula etindzaweni talelive letehlukahlukene, ikakhulukati KwaZulu-Natal kanye naseMphumalanga Kapa; kusebenta kwetimboni emikhakheni lebalulekile, kanye nekucishwa kwagezi lokwenteka kulo lonkhe lelive lakitsi.

Nyalo silindzele kukhula mbamba kwe-GDP kwemaphesenti la-1.9 nga-2022, uma kucatsaniswa nesilinganiselo

*Inkhulumo Mayelana Nesitatimende*

semaphesenti la-2.1 ngeNdlovana.

Kuleminyaka le-3 letako, umnotfo ulindzeleke kutsi ukhule nge-avareji yemaphesenti la-1.6.

Lelizinga lekukhula liphasi kakhulu kutsi lingasekela tinjongo tetfu tentfutfuko. Ngalokunjalo-ke, kufanele sitsatse tinyatselo tekubeka umnotfo wetfu etfubeni lekukhula lokusezingeni lelipakeme.

## **Kukhulisa umnotfo lofaka ekhatsi tonkhe tinhlobo**

Indlela yetfu yekubukana nekukhula yesekelwe iuhlakamsebenti Iwemnotfo lomkhulu lolucacile futsi lolusimeme, loluhambiana nekucaliswa kwetingucuko tesakhiwo kute kutsi kutfutfukiswe kuncintisana, inchubomgommo yetimboni kute kutsi kukhuliswe kukhicitra kanye netinyatselo tekucinisa emandla embuso.

Titfo letibalulekile taloluhlakamsebenti Iwetfu Iwemnotfo lomkhulu tilinganiso tekuntjintjisela letisimeme naletitsambile, kwehla kwemandla emali lokuphasi nalokutintile, kanye nencubomgommo yetimali lesimeme.

Kusukela kwetfulwa Sabelomali sangeNdlovana, siye sasheshisa kucaliswa kwetingucuko tesakhiwo kute kubukwane netinkinga letinkhulu letibopha kukhula kwemnotfo kanye nekwesekela lutjalomali nekwakhiwa kwematfuba emisebenti.

Make Somlomo, kushuba kwekucinywa kwagezi kunemtselela lomubi emnotfweni wetfu.

Ngako-ke sibese sigcila kumitamo yetfu etingucukweni emkhakhene wagezi.

Tinchubomgommo letinyentana netingucuko tekulawula lokuhloswe ngato kwakha emandla lancintisanako etimakethe, nato tisendleleni.

Loku kubandzakanya kususwa kwemkhawulo wekutfola emalayisense emiklamo ekukhicitwa nekulondvolotwa kwagezi, lapho khona liphayiphi selikhule lafinyelela kumiklamo le-100, lemelele emandla langetulu kwe-9000 MW.

Umtsetfosivivinyo Wekuchibela Tekulawulwa Kwagezi sewuphotfuliwe. Loku kwenta kutsi kubekwe umlawuli lotimele wetekwendlulisa kanye nenchubo, lokungukona kutawugucula kakhulu lomkhakha wetagezi.

Kunciphisa kutsembela kweNingizimu Afrika enkampanini yinye kuphela kanye nekuvula lutjalomali lolusha lolukhulu ekukhiciteni kutawufaka sandla kakhulu ekutfoleni gezi sikhatsi lesidze.

Make Somlomo, kunesimo lesibucayi emkhakhene wetfu wetekutfutsa.

Kungasebenti kahle kwematabuko netitimela kudla umnotfo tigidzigidzi futsi kubukela phasi imitamo yetfu yekukhulisa kukhula.

Siyakwamukela kuphela kwsiteleka saka-Transnet futsi sisebentisana nebaholi baka-Transnet nabo bonkhe badlalindzima kute kutsi kubukwane netinsayeya ngekushesha kulomkhakha.

*Inkhulumo Mayelana Nesitatimende*

Tinyentana tinyatselo letitsatfwako njengamanje tekungenisa kuncintisana lokukhulu nekusebenta kahle ematubukweni nakuloliwe.

Libandla Lavelonkhe liphaside Umtsetfosivivinyo Wekulawulwa Kwemnotfo Wetifutsi.

Utawusungula umlawuli wetekutfutsa lotimele kute kutsi akhutsate kuncintisana lokukhulu futsi ente kutsi kufinyelela kunethiwekhi kulawulwe.

Kwengeta, ticelo tetiphakamiso setikhishiwe, tekutsi bantfu besitsatfu bangene eluhlelweni lwetitimela letefwala imphahla kanye nekusebentisana netinkampani letitimele teDurban Pier 2 kanye neNgqura.

Kutekuchumana, kutsengiswa endalini kwemagagasi emoya lamkhakhubanti elinani lelisetulu sekuphetsiwe. sinyatselo lesilandzelako sekucedzela sekutfutsela kudijithali kute kutsi kukhululwe lokuhamba kwemagagasi emoya.

Indvuna yeLitiko Letekuchumana Nebucwepheshe Betedijithali masinyane-nje itawuphakamisa Iusuku lolusha Iwekucishwa kwe-analogi.

Emkhakheni wemanti, sesikucedzile kusalela emuva kwemalayisensi ekusebentisa emanti.

Lenchubo yekutfola umlawuli wetemanti ngekusebentisa Umtsetfosivivinyo Wavelonkhe We-ejensi Yesakhiwonchanti Setemanti nayo isendleleni.

Le-ejensi itawenta kutsi sakhiwonchanti setemanti lamanyenti silawulwe ngemphumelelo kanye nekuchuba lutjalomali lolutimele.

Kubuyeketwa kweluhlelo Iwevisa yemsebenti nako sekuphotfuliwe ngetincomo tekuheha emakhono kanye nekutjalwa kwetimali.

Malunga Lahloniphekile, letingucuko leti atisito samba lesiphelele se-ajenda yetfu yetingucuko.

Kunyenti lokumele kutsi kwentiwe futsi lokungentiwa kukhulula emandla emnotfo wetfu. Lokubalulekile kuloku kudzingeka kwembuso lonelikhono, lotfutfukako.

## **Kucinissa bukhoni bembuso**

Make Somlomo, umbuso lonemandla nalokhonako kwenta tintfo ngumbandzela lodzingekako wentfutfuko.

Umbuso unemtfwalo wekudala nekwenta kutsi kube nendzawo levumela kukhula nekutjalwa kwetimali, weseckela ngetinsitakalo letisisekelo, uphindze futsi ukhutsate kusebenta kahle kwemtsetfo.

Kute kutsi ukwati kwenta loku ngemphumelelo, umbuso udzinga kusabela etidzingweni temmango, ubeke embili, uhlelembise uphindze futsi uchumanise tingenelelo ngekutsi

*Inkhulomo Mayelana Nesitatimende*  
usebentise tikhungo letitiphendvulelako naletinelikhono.

## **Lutjalomali Iwetakhiwonchanti lolutfutfukisa kukhula**

Kusebentisa lutjalomali lolungagucuki ngalokusezingeni leliphelele kuyincenyе lebalulekile yekuzuza kukhula lokusimeme nalokufaka konkhe ekhatsi. Lusekela kusimama kwemnotfo, lumphakamisa emandla emnotfo futsi ludala ematfuba emisebenti.

Sibone kuncipha kwekwakhiwa kwetambamali letimisiwe letingakancutfwa tekhaphithali ngekwasilinganiso se-4.4% njalo ngemnyaka emkhatsini wa-2016 na-2020; sisuka kutigidzigidzi letinge-R796 nga-2015.

Lokuncipha kube banti kakhulu. Lutjalomali Iwemkhakha lotimele, lolunesilinganiso lesicishe sibe ngulokubili kwalokutsatfu kwesamba selutjalomali lesincunyiwe, kanye nemkhakha wahulumende, kokubili kwehlile.

Sifuna kukuhlehlisa loku ngekutsi sibukane netihibe letikhona ekutjalweni kwetimali.

Embonini letimele, kungaciniseki kwenchubomgomo, tihibe ekwenteni ibhizinisi kube lula kanye netindleko letiphakeme tekwenta ibhizinisi kuvame kubitwa ngekutsi tinkinga letinkhulu letibalulekile ekutjalweni kwetimali.

Luhlakamsebenti Iwefu Iwemnotfo lomkhulu lolucacile nalolusimeme, inchubekelembili ekuguculweni kwesakhiwo, kanye netinsita letisekela kukhula kutawuhamba libanga lelidze ekususeni tihibe ekutjalweni kwetimali.

Lutawuphindze futsi luhulise lizinga leketetsema futsi tidale simo lesivumela umkhakha lotimele kutsi utjale imali.

Macondzana nekutjalwa kwetimali kwemkhakha wahulumende, Emabhizinisi Laphetfwe Ngumbuso anendzima lebalulekile lokufanele kutsi mayelana nekuniketwa kwetimpahala netinsita letibalulekile temnotfo kanye netinsita emnotfweni.

Kubukana netinkinga letiseceleni ikakhulukati emikhakheni yetemandla netekutfutsa kubalulekile kute kutsi kusekelwe kukhula kwemnotfo lokusezingeni leliphakeme nalelisimeme.

Kuhulumende jikelele, sikhuphula sabelomali sesakhiwonchanti kute kutsi kulungiswe kuguguleka ksesekelo.

Kulethemu lesemkhatsini, kusetjentiswa kwemali yahulumende lokuhlanganisiwe ekwakheni sakhiwonchanti lesisha nekuvuselela sakhiwonchanti itawukhuphuka kusuka etigidzigidzini letinge-R66.7 nga-2022/23 iye kutigidzigidzi leti-R112.5 nga-2025/26. Loku kufaka ekhatsi imigwaco, emabhuloho, tinhlelo tetinchubo temanti esivunguvungu kanye netakhiwo temmango.

*Inkhulomo Mayelana Nesitatimende*

Loku kwenta kusetjentiswa kwetimali etimpahahleni letinkhulu kube yintfo lekhula ngekushesha ngekwetigaba tetemnotfo.

Ngekwetfula emkhakheni welutjalomali Iwetinkampani tahulumende, sitawuyiminyetela lutjalomali Iwetinkampani letitimele, sitfutfukise kuniketwa kwemisebenti yahulumende futsi sibukane nekusalela emuva; ngaleylo ndlela-ke, kutawuvusa umjikeleto lomuhle wekutjalwa kwetimali losetulu kakhulu, kukhula kanye nematfuba emsebenti.

Sitibophelele futsi ekwenteni ncono umtsamo wembuso, kuhlela nekulungiselela umklamo, tincubo tekutsengwa kwemphahla, kanye nekulawula kuncipha.

Loku kutawubukana nekusetjentiswa kancane kwemali lokungapheli kwesabelomali lesabiwe sesakhiwonchanti, kutfutfukise linani lemali kanye nekuphumelela kwelutjalomali lwetfu.

### **Kunciphisa nekwemukela kugucugucuka kwesimo selitulu**

Make Somlomo, kugucugucuka kwesimo selitulu

kuhlela kabusha umhlaba lesiphila kuwo, kufaka ekhatsi nesimo semnotfo wetfu.

Kubeka engcupheni bantfu bakithi, sakhiwonchanti, imvelo kanye nekukhicitwa lokufaka ekhatsi timphahla letibalulekile letifana nekudla.

Kubukana nesimo selitulu kwemave emhlaba kufanele kutsi kuchunyaniswe.

Eluhlangotsini lwetfu, siphofula tingcoco mayelana netitsembiso teLicembu Lemave Emhlaba Lebalingani Sengucuko Yamandla Kuphela-Nje.

Kwengeta, loluhlelo lwekuljalwa kwetimali lolwesekela tingucuko temandla agezi etfu lusanda kugunyatwa yiKhabhinethi.

Sitawutsatsa tonkhe tinyatselo letidzingekako kute sicinisekise kutsi ingucuko yetfu ilungile.

### **SIMO SETIMALI TAHULUMENDE LETINGENAKO**

Make Somlomo, uma timali tahulumende ticwile etikweletini kuma matima kakhulu kuhlangabetana netinjongo tetfu tetentfutfuko.

Cishe iminyaka le-15, hulumende waseNingizimu Afrika abeloku etfula kushoda lokusezingeni leliphakeme.

Ngesizatfu saloku-ke, sikweleti sahulumende kulindzeleke kutsi sibe ngetulu kwetigidzigidzi tetitigidzigidzi leti-R4.7 kulomnyakatimali, uma kucatsaniswa netigidzigidzi letinge-R627 nga-2008/09.

Lesikweleti singena etindlekwani tekukhokhela tikweleti letingaba tigidzigidzi leti-R355.2 njalo ngemnyaka kuloluhlakamsebenti lwelusebentisomali lwethemu lesemkhatsini.

Njengoba sekushiwo, umnotfo wemave emhlaba onkhe uyancipha, kwehla kwemandla emali kuyandza, netimakethe tetimali tiya ngekuntengantenga.

Umphumela kutsi tindleko tekukhokhela tikweleti tilinganiselwa kutigidzigidzi leti-R5.9 nga-2022/23 kunaloko lesasikucabanga ngesikhatsi sesabelomali sangeNdlovana.

Ngetulu kwaloko, litfuba lekulungiswa kwentsengo lenkhulu etimakethe tetimali kuyingoti lenkhulu. Loku kutawuba nemtselela lomubi etimalini tahulumende letingenako esikhatsini

*Inkhulumo Mayelana Nesitatimende*  
lesitako.

Kungalesizatfu lesi-ke kutsi lelisubuciko lethemu lesemkhatsini lidzinga kugcina indlela lehlakaniphile yenchubomgomu yetimali.

Sidzinga kutsi sinciphise umtfwalo wetikweleti kanye netindleko tekukhokhela tikweleti ngekunciphisa kushoda kwetfu kwanjalo ngemnyaka. Loku kutawusimamisa timali temmango futsi kunciphise bungoti betimali.

Malunga Lahloniphekile, senta inchubekela embili mayelana naloku. Kushoda kwetimali lokuhlanganisiwe kwemaphesenti la-4.9 e-GDP kulindzeleke kutsi achubeke nga-2022/23.

Loku kutawukwehla kuye kumaphesenti la-3.2 e-GDP nga-2025/26. Imali leyinsalela yesisekelo lengu-0.7% ye-GDP itawutfolakala nga-2023/24. Loku kungumnyaka munye ngembi kwaloko bekulindzelwe ku-MTBPS yanga-2021.

Futsi nyalo silindzele kutsi samba lesingakancutfwa sesikweleti sahulumende sibe ngemaphesenti lange-71.4 e-GDP nga-2022/23 - eminyakeni lemibili ngembi kwasikhatsi, futsi sibe sezingeni leliphasi, kunaloko lobewuconjelelwe kuLubuyeketo Lwesabelomali Isanga-2022.

Emkhatsini walokunye, loku kusho kutsi siphakamisa kutsi kungabi khona kuncishiswa kwesabelomali lokutawsetjentiswa kuSabelomali sanga-2023. Ecinisweni, lusebentisomali loluhlanganisiwe Iwahulumbende lutawendlula tigidzigidzi tetigidzigidzi leti-R2.2 kulomnyaka futsi lutawukhuphuka luye kutigidzigidzi tetigidzigidzi leti-R2.5 nga-2025/26.

Uma sibuka emalini lengenako yahulumbende, kusukela ngeSabelomali sanga-2022, kugcogcwia kwemali lengenako kwendlule tilinganiso, futsi silinganiso sesamba semali lengenako yemtselo yanga-2022/23 sesibuyeketiwe, isuke kutigidzigidzi letinge-R83.5, yaya kutigidzigidzi tetigidzigidzi leti-R1.68.

Silinganiso lesiphakeme sibangelwa kakhulu kututfuka kwekuocwa kwemtselo wemali lengenako yebhizinisi, nemarisidinchanti labuya emikhakheni yetetimali neyekukhicitia.

Tilinganiselo temali lengenako legcogciwe, kufaka ekhatsi tethemu lesemkhatsini, tivumele hulumbende kutsi anciphise lokushodako futsi anciphise bungoti lobuchubekako nalobusha.

Ngalokulinganako, kusivumela kutsi sibuyisele kancane kancane sabelomali lesisisekelo sematiko labalulekile ekuletfweni kwetinsita, ngaphandle kwekwenta tibopho talomphelo letingafinyeleleki.

Incenyemali lengenako lesezingeni lelipakeme kusaloko lebekulindzelwe itawusetjentiswa ngalendlela lelandzelako:

*Inkhulumo Mayelana Nesitatimende*

- Kunciphisa kushoda kulomnyaka wetimali kanye nange-MTEF;
- Kwengeta kumiklamo yetakhiwonchanti kanye netinsita temmango letibalulekile njengetemfundvo, tetemphilo, kanye netemaphoyisa;
- Kubukana nebungoti betetimali lobubonwe ngaphambilini ngeNdlovana. Loku kufaka ekhatsi tindlu tetikweleti letingetulu kunaleto betilinganiselwe, umtsetfosivivinyo wemaholo webasebenti bahulumende, kanye nekuvela kwetingoti tetimali kuletinye tinkampani tahulumende.

Uma kungenteka nanoma ngutiphi tinciphо tetetimali, loku kungale kube nemtselela lomubi esimeni setimali kanye nemitamo wahulumende wekutintisa timali temmango.

## **Kulungisa kusetjentiswa kwetimali temnyaka**

Make Somlomo, saba samba lesingakancutfwa lesengetiwe setigidzigidzi leti-R13 sisabela kulungiswa kwelusebentisomali Iwemnyakatimali wanga-2022/23 kuMtsetfosivivinyo Wekulungisa Kwabiwa Kwetimali.

Kulungiswa lokukhulu kakhulu kunako konkhe — tigidzi leti-R6.3, noma emaphesenti lange-49 esamba sonkhe — yabelwa tekusita etinhlekeleleni, kakhulukati tikhukhula tangamabasa letabakhona etincenyeni letinyentana talelive lakitsi.

Letinye tilungiso kuLesabelotimali Setilungiso tifaka ekhatsi:

- tigidzi letinge-R389 temabhulohoh asemaphandleni lange-24 ngeluhlelo IweWalisizwe Rural Bridges;
- Tigidzi letinge-R500 tibekwe eceleni kute tisite kutsi kucalwe umklamo wetedijithali weLitiko Letasekhaya, utawucasha bantfu labasha labatinkhulgwane leti-10 000 kuleminya lemitsatu.
- Tigidzi leti-R118 titawubukana netindleko tekufudvuka kwesikhashana kanye nekulungiselela kwakhiwa kabusha kwePhalamende.

Malunga Lahloniphekile, kulomnyakatimali, bekuloku kuchubeka tingcoco temaholo eMkhandlwini Wekucocisana Nekuchumanisa Kwebasebenti Bakahulumende. Mhla tinge-30 Ingci nga-2022 hulumende wenta sitsembiso sekugcina lesaba ngumphumela wenchubo yekuchuba. Loku kwafaka ekhatsi naku lokulandzelako:

- Kuchubeka kwesibonelelo semali lesingasiso sempesheni kulomyakatimali. Loku kusho isilinganiso sika-R1 000 umsebenti ngamunye ngenyanga kuze kube yiNdlovulenkhulu 2023.
- Kukhushulwa kwemholo ngempesheni nge-3% kubasebenti bakahulumende.

Make Somlomo, lesiphakamiso lesisetafuleni sizuzisa kakhulu basebenti betimali kanye nebasebenti bakahulumende. Kuwufezekisa akubukeli phasi iuhlelo Iwekucocisana ngalokuhlanganyela. Sikholelwa kutsi iuhlelo Iwekugcugcutela luwasite onkhe amacembu kutsi afinyelele kulelicophelo. Kungako-ke, tilinganiso telusebentisomali lesitetfula namuhla tihlanganisa lelinani.

Lomnikelo utawucala kusetjentiswa ngeluhlelo Iwenchubo yekuholelwa, futsi letawucala emuva kuMabasa 2022.

## **Luhlakamsebenti Iwelusebentisomali**

Malunga Lahloniphekile, sabelomali setfu kuleminyaka lemitsatfu letako sitawugcila ekubuyiseleni kwetfulwa kwetinsita kanye nekwenta sisekelo sekukhula lokusezingeni lelisetulu.

Tingucuko tethemu lesemkhatsini tichutjwa kakhulu tincumo tahulumende tekutsi kwelulwe ngemnyaka munye-nje kuphela sikhatsi sesibonelelo seKusitwa Ngetenhlalo Mayelana ne-COVID-19, kute kube ngumhla tinge-31 Indlovulenkhulu 2024

Luhlakamsebenti Iwetimali lufaka ekhatsi kusitwa ngetimali ngetindleko tekuchubeka nekukhushulwa kwemaholo ebasebenti bakahulumende nga-2022/23, kanye nekuphepha nekuvikeleka, kutjalwa kwetimali tesakhiwonchanti kanye nekwetfulwa kwtinsita.

Sibonelelomali se-SRD setfulwa ngeNkhwekhweti 2020 njengesinyatselo sesikhashana sekubukana netidzingo talabasengotini lenkhulu labatsintfwa tinyatselo tekuvalwa kwemisebenti nekuhamba kwebantfu. Selulwe emahlandla lamanyentana kusukela ngaleso sikhatsi.

Tingcoco ngekusasa lesibonelelo sahulumende tisachubeka futsi tifaka ekhatsi kuhwebelana lokumatima kakhulu kanye netincumo tekusitwa ngetimali.

Nanoma-nje kunemigomo leyentiwe kulesabelomali, ngifuna kugcizelela kutsi nanoma ngukuphi kwelulwa noma kuntjintjwa kutawudzinga kukhushulwa kwalomphelo kwemali lengenako, kuncishiswa kwekusetjentiswa kwemali kuletinye tindzawo, noma-ke inhlanganisela yako kokubili.

Make Somlomo, nguloku lokushiwo kuhwebelana: kulinganisa sidzingo sekubukana nalokubalulekile kuna lokunye.

Sekukonkhe, kusetjentiswa kwemali lokuhlanganisiwe kwahulumende kulindzeleke kutsi kwenyuke kusuka kutigidzigidzi tetigidzigidzi leti-R2.21 nga-2022/23 kuya kutigidzigidzi leti-R2.48 nga-2025/26 ngesilinganiso sekukhula kwesilinganiso semaphesenti la-4.

Imiholo yemmango, lefinyelela kutigidzigidzi leti-R3.56 eminyakeni lemitsatfu letako, noma amaphesenti lange-59.2 ekusetjentiswa kwemali lokuhlanganisiwe lokute intalo, atawutsatsa incenyen lenkhulu yesabelomali kusita emakhaya laphuyile kanye nalabo labasengotini lenkhulu emmangweni wetfu.

Sabelo lesikhulu kunato tonkhe sicondziswe emikhakheni wetemfundvo, temphilo kanye neyekutfukiswa kwemmango.

Ngetulu kwaloko, kuleminyaka lemitsatfu letako, kukhushulwa kwetindleko kutawubekwa embili kute kutsi kwentiwe kancono kutjala imali kutakhiwonchanti kanye nekututfukisa tabelomali tetekuphepha, tekuvikeleka kanye nekulwa nenkhohlakalo.

Sekukonkhe kusetjentiswa kwetimali lokuhlanganisiwe kwahulumende kutawukhuphuka, kusuka kutigidzigidzi letinge-R95.1 nga-2022/23 kuya kutigidzigidzi leti-R145.4 nga-2025/26. Loku akufaki ekhatsi kusetjentiswa kwetimali kwemabhizinisi ahulumende.

Sisebentisana nebaphatsi bePhalamende kute sibuyisele Iphalamende esimeni sayo kanye nekuyakha kabusha. Kuloluhlakamsebenti Iwelusebentisomali lesisemkhatsini, sente sibonelelo semali lelinganiselwa kutigidzigidzi le-R2 kute kutsi kwakhiwe kabusha Iphalamende yetfu.

*Inkhulumo Mayelana Nesitatimende*

**Kwehlukaniswa Kwemalingena kanye Netingucuko tekusita Ngetimali  
kuHulumende Wasekhaya**

Make Somlomo, kulomnyaka lotako, sitawusebentisana nesifundza kanye namasipala kwenta inchubekelibili lebonakalako ekufezeni tinjongo tefu tentfutfuko.

Bomasipala bahlela timo tekuphila tebantfu bakitsi. Bacinisekisa kutsi banfu batfola emanti ekunatsa lahlobile, emandla agezi, tindlu kanye netindlu tangasese.

Nanoma kunjalo bomasipala lanyentana abasebenti kahle, babukene nenkinga yetetimali noma yebuholi, lebonakala ngekungakwati kuletsa tinsita.

Ngemuva kwekubuyeketwa kweluhlelo lwekwakhiwa kwemandla kwahulumende wasekhaya, Lihovisi Lemgcinimafa Wavelonkhe lichumanisa badlalindzima lababalulekile lokufaka ekhatsi Litoko Letekuphatsa

Ngekubambisana Netendzabuko, i-SALGA kanye netifundza ekwakhiweni kwetinhlelo tekwakhiwa kwemakhono letigcile endleleni lehlanganisiwe futsi legcile kumiphumela.

Kuleminyaka lemitsatfu letako, sihlongota kwaba emaphesenti lange-48.4 etindleko letikhona letite intalo ematikweni avelonkhe, emaphesenti lange-41.4 etifundzeni kanye nemaphesenti la-10.1 kuhulumende wasekhaya.

Loku kutawenta tifundza kutsi tikhone kwesekela temfundvo lesisekelo netinsitakalo tetemphilo, imigwaco, tindlu, kutfutfukiswa kwetenhlalo kanye netekulima.

Siphindza futsi sabela hulumende wasekhaya timali letengetive kute kutsi sisekele kwetfulwa kwetinsitanchanti tamahhala kumakhaya leswele, uma kubukwa tindleko letikhuphukako tetinsitakalonchanti tamahhala, kanye nekukhuphuka kwetindleko tagesi kanye nemanti.

Lubuyeketo Lwesabelomali sanga-2023 kutawuniketa imininingwane lebanti mayelana nalementamo.

## **Kubukana Nebungoti lobuvela kuTinkampani taHulumende**

Make Somlomo, letinye tetinkampani tetfu tahulumende timele tincenyi letibalulekile temnotfo, ikakhulukati kutekutfutsa, tebunjiniyela kanye netemandla agezi.

Letinkampani kufanele kutsi tikwati kutimela futsi kumele tifake sandla ekukhuliseni umnotfo.

Ngelishwa, sibukene nesimo lapho khona kuntenganteka kwetimali lokube khona eminyakeni leyendlulile lokubangelwe buholi lobubi nenkhohlakalo kusadzingeka kutsi kusonjululwe.

Ngetulu kwaloko, lapho tehlakalo letingagwemeki njengetikhukhula letsandza kwenteka tentela phasi sakhiwonchanti nemphahla, loko-ke kubeka wonkhe umnotfo engcupheni.

Kwanyalo, inethiwekhi yetemigwaco kufanele kutsi ise bente, ematubuko kufanele kutsi ase bente futsi imiklamo yetebucwepheshe lebalulekile angeke imiswe ingase benti.

Ngako-ke, njengoba loko lobekonakele sekubuyiselwa emuva esimeni sako sase kucaleni futsi

*Inkhulumo Mayelana Nesitatimende*

labo labaphanga baphindze futsi baphatsa budlephu batfjeswa licala, lokufaka ekhatsi neluhlelo lwetebulungiswa betebugebengu, kute lesingakwenta ngaphandle kwekutsatsa sinyatselo kute sigcine letinsitakalo letibalulekile tisebenta.

Siphakamisa kusebentisa imali lengenako lengetulu kunaleyo beylindzelwe kulomnyaka kute kutsi kwehliswe bungoti lobuvela kuma-SOE latsite.

Letinsita leti atikwati kusetjentiselwa kusita kukhushulwa lokusisekelo ngoba kwentiwa kanye-nje kuphela. Kutisebentisa ngalendlela nako angeke kwandzise kusilela kwetimali uma kucatsaniswa netenhlelo tefu letikhona talethemu lesemkhatsini.

Kwesekwa ngetimali kwema-SOE kuyawabona emandla awo ekufaka sandla ematsebeni etfu ekukhula kwesikhathi lesidze.

Ngako-ke setfula Umtsetfosivivinyo Wekwabiwa Kwetimali Tahulumende Lokhetsekile kute kutfolakale timali letengetiwe tekusita i-Denel, i-Transnet kanye ne-SANRAL. Letabelo titawumela letikhungo kutsi tilungise emamodeli ato ebhizinisi futsi tibuyisele esimeni lesifanele kusebenta kwato ngekwetimali kwesikhatsi lesidze.

Kwesekelwa ngetimali kwetinkampani tahulumende kusachubeka nekuba yinsayeya yekusimamisa uma kubuekwa tintfo letinyenti letibalulekile letincintisanako kanye netinsitakusebenta letingeneli. Kusitwa ngetimali kwema-SOE nyalo kutawuhamba nemibandzela lecinile yangembi neyangemuva. Imibandzela yangaphambil isho kutsi ema-SOE kutawudzingeka kutsi atfobele lemibandzela ngephambi kwekutsi atfole kwesekelwa nguhulumende, hhayi ngemva kwaloko.

Kungatfobeli lemibandzela, kusho kungayitfoli imali.

I-Transnet yabelwe tigidzigidzi le-R2.9 kute kucinisekiswe kubuyiselwa emsebentini kwetitimela lebesetingasebenti. Loku kutawuphekeletelwa tigidzigidzi le-R2.9 kusukela ekulungisweni kwetindleko temnyaka kute kutsi kubukwane nemonakalo wetikhukhula lokuphatamise kusebenta Ethekwini.

I-Denel yabelwe tigidzigidzi le-R3.4 tekweseckela inchubekelembili lesandza kwentiwa kusimamisa lesikhungo.

Lesabelo sitawengeta tigidzigidzi le-R1.8 tekutsengiswa kwemphahla lengumgogodla lete intalo katsi futsi sitawuvula incwadzi yama-oda lencunyiwe yetigidzigidzi le-R12 letisalindze kukhishwa.

## **Mayelana ne-SANRAL**

Malunga Lahloniphekile, kungaciniiseki lokuphat selene Nemklamo Wekutfutfkiswa Kwemgwaco longutselawayeka waseGauteng usachubeka nekuba nemtselela lomubi kakhulu ekwakhiweni kwemigwaco lapha kulelive.

Kudzingeka kutsi sisuke etingcocweni teminyaka leyendlulile futsi sitfole sisombululo salensayeya.

*Inkhulumo Mayelana Nesitatimende*

Kute kutsi kusonjululwe lenkinga lebumnyama lobungasi, hulumende wesifundza saseGauteng uvumile kufaka sandla ngemaphesenti lange-30 ekukhokheleni tikweleti te-SANRAL kanye netibopho tentalo, hulumende wavelonkhe yena utawukhokha emaphesenti lange-70.

I-Gauteng itawuphindze futsi ibukane netindleko tekunakekela emakhilomitha lange-201 kanye netindleko tangekhatsi letiphatselene nalomgwaco nanoma ngukuphi nguluphi lolunye futsi lutjalomali lwemgwaco lutawusekelwa ngetimali mhlawumbe ngesakhiwonchanti sekukhokhelwa kwemgwaco ngekwe-eletroniki lokuvele kukhona noma ema-toll plaza lamasha, nanoma ngumuphi lomunye umtfombo wemali lengenako ngekhatsi kwendzawo lenesibopho mayelana nawo.

Hulumende uhlongota kutsi akhiphe samba sekucala setigidzigidzi letinge-R23.7 esikhwameni setimali savelonkhe, letawukhishwa ngaphasi kwemibandzela lecinile.

## **Mayelana ne-Eskom**

Uma sibuka i-Eskom. Lokungenani iminyaka lelishumi, sisibentise tgidzigidzi temarandi sisekela i-Eskom, nekutufukiswa lokulinganiselwe ekutsembekeni kwekuphakelwa kwagezi noma imphilo yetetimali yenkampani.

Kucinisekisa kusebenta kahle kwetimali kwe-Eskom, hulumende utawutsatsa incenye yesikweleti setigidzigidzi le-R400 salenkampani.

Nanoma-nje kusancunywa kukhetfwa kwemathulusi esikweleti lafanelekile kanye nendlela yekukhipha sincephetelo, samba kulindzeleke kutsi sibe semkhatsini wakunye kwalokutsatfu kanye nakubili kwalokutsatfu kwesikweleti samanje saka-Eskom.

Lokutsatfwa kwalesikweleti, uma sekuphotfuliwe, kanye naletinye tingucuko kutawucinisekisa kutsi i-Eskom seytintile ngekwetimali.

Loluhelo lutawuvumela i-Eskom kutsi igcile ekusebenteni kwesiphehligesi nasekutjalweni kwetimali kanye nekucinisekisa kutsi hulumende akasatsembeli ekutakulweni.

Lokubalulekile, luhlelo lolutawufaka ekhatsi imibandzela lecinile ledzingekako ku-Eskom nalabanye badlalindzima ngembi nangemuva kwekwendluliswa kwalesikweleti.

Letimo leti titawubukana netinsayeya tetakhiwo taka-Eskom ngekulawula tindleko tayo, ngekubukana netikweleti letisalele emuva tamasipala netasekhaya ngesizatfu setinsita, kanye nekucacisa nekungafihli lutfo mayelana nemanani ematharifi.

Kweneta, timo titawatiswa lubuyeketo lwekusebenta kwe-Eskom lolutawuholwa nguMgcinimafa esive lotimele, ikakhulukati kusebenta kwetiphehligesi tayo letinyenti.

Leminye imininingwane yaloluhlelo itawuphotfulwa ngekulandzela tincumo tekubonisana nabo bonkhe badlalindzima labafanelekile nebabolekisi futsi kutawumenyetelwa kuSabelomali singa-2023.

## **Kwenta inchubo yekutsengwa kwemphahla ibe yesimanjemanje**

Make Somlomo, sisibentela kucinisa luhlelo lwetfu lwekutsenga nekubika ngetimali.

Lokunye futsi lesikwentako kwemukela tindlela letincono kakhulu tekutsengwa kwetimpahala nemasevisi, lokufaka ekhatsi emazinga laphakeme ekungafihli lutfo etinchubeni temathenda.

Loluhlobo Iwekwenta tekutsenga tibe tesimanjemanje iuhlose kwenta lula kanye nekusheshisa inchubo yemiklamo yesakhiwonchanti semmango, kube futsi ngaso sona leso sikhatsi kunciphisa lizinga lekuphanga nelenkhohlakalo.

Silindzele tingucuko letimbili ekwenganyelweni kwenchubo yekutsenga:

- Silindzele kwetfula Umtsetfosisivivinyo Wekutsengwa Kwemikhicito Netinsita Tahulumende – lokutawukwenta kancono kungafihli lutfo, kubeka tintfo ebaleni, buco tho kanye nekukhutsata kusetjentiswa kwetebucwepheshe ngendlela lekhonako nalephumelelako ekutsengweni kwemphahla yahulumende – ePhalamende ngendlovulenkhulu 2023.
- Imitsetfomgomo Yekutsengwa Kwemphahla Lefunwako yanga-2022, nyalo sikhala seMtsetfomgomo lomdzala longasasebenti yanga-2017, itawumenyetelwa ngeLweti nga-2022 kute kutsi icale kusebenta kusukela mhla ti-16 ngaBhimbidvwane wanga-2023. Lemitsenfomgomo inika tinhlaka tembuso emandla ekuncuma tinchubomgomo tato tekutsenga letinconotwako ngaphasi kweMtsetfo Weluhlakamsebenti Lwenchubomgomo Yekutsengwa Lenconotwako.

## **Kulwa nebugebengu nenkhohlakalo**

Ngasekucaleni kwaleliviki, Mengameli Ramaphosa umemetele imphendvulo yaHulumende mayelana netincomo teKhomishini Yeluphenyo Ngekubanjwa Kwembuso Ngabhongwane.

Wabophelela hulumende “esahlukweni lesisha emsiphalatweni wetfu wekulwa nenkhohlakalo, kuchubekisela embili kuvuselelwa kwemmango wetfu.”

Ubalule sidzingo sekutsi umbuso “utiphatse kahle futsi ungabi nenkhohlakalo njengoba unakekela tidzingo netimfuno tebantfu.”

Njengoba kuphawulwe nguKhomishina, kute sente tinsita tikhone kwetfulwa sifanele kutsi sivikele tikhulu letetsembekile letitiphendvulelako kanye netiphatsimandla letitsatsa tincumo ngekwethembeka ekushushisweni kwebugebengu nasekumangaleleni ummango.

Mayelana naloku, sitawucinisa tinhlelo tekucwaningwa kwemabhuku kanye netinchubo tekulawula tivimbalo, kute baphatsi bakwati kuphatsa, sibe sibeka tindlela tekubenta batiphendvulele.

Ikhomishina Yekuphenya Kubanjwa Kwembuso Ngabhongwane yenta tincomo lekuhloswe ngato kucinisa tikhungo, kubusa kanye netindlela tekutiphendvulela.

Njengoba sekwentiwe nge-Bain, sitawchubeka nekutsatsa tinyatselo tekulawula letisijeziso etinkampaneni nakubantu labagcugcutele tento tenkhohlakalo nekutsenga ngendlela lefanele.

Make Somlomo, bugebengu yinkinga yetekuphepha, yetemnotfo kanjalo neyemmango. Indzawo

*Inkhulumo Mayelana Nesitatimende*

lephephile ibalulekile ekudlaleni indzima ngalokugcwele kutemnotfo netenhlalo. Loku kwenta kulwa nebugebengu kube yinsika lemcoka yekutfutfukisa kukhula kwemnotfo.

Bantfu labanyenti baseNingizimu Afrika bahlala ngekwesaba emakhaya abo, etindzaweni tabo tekusebenta nasetindzaweni tekungcebeleka.

Ngekusabela, sabela umbutfo wetfu wetekuvikela tinsita letengetiwe kutsi ubukane nalabo labasongela kuthula kwetfu sisive.

Sitawesekela emaphoyisa kutsi ehlwaye labanye bokhonstabuli laba-15 000 kuleminyaka lemi-3 letako.

## **Kugwema kufakwa eluhlwini lolumphunga ngumbutfo losebenta ngetetimali**

Malunga Lahloniphekile, senta konkhe lokudzingekako kuvimbela kufakwa eluhlwini lolumphunga Licembu Lelisebenta Ngetetimali; ihangano lencuma emazinga emave emhlaba lebukene nekutfobela imitsetfo yemave emhlaba nemitsetfomgomoyekulwa nekushushunjisa kwemali.

Sesivele setfule imitsetfosivivinyo lemibili ePhalamende, lokuhloswe ngayo kubukana nebutaksaka kuluhlakamsebenti Iwekushaywa kwemitsetfo.

LeMitsetfosivivinyo ilindzeleke kutsi ishaywe ekupheleni kwalomnyaka.

Loku kutawuba sinyatselo lesibalulekile ekuhlangabetaneni netincomo letinge-40 letentiwe nguMbutfo Losebenta Wekusebenta Ngetetimali.

Kudzingeka futsi kutsi sisebentise imitsetfo lemeline nekushushumbiswa kwemali nenkhohlakalo ngendlela lephumelela kakhudlwana.

Kutjala imali ekwakheni emandla etikhungo tetfu tekulawula nekuphocelela sekuvele kutsela imiphumela lemhle. Tifaka ekhatsi:

- Luphiko LweKuphenya IweMtima Wavelonkhe Wetekushushisa selubhalise emacula lange-26, Iwamemetela kutsi kunemacala lange-89 kantsi basolwa ba-165 bavele enkantolo ngemacala lahlobene nekubanjwa kwembuso ngabhongwane.
- Luphiko LweKudliwa Kwemphahla luvalile noma lunikete ema-oda ekulondvolota emanani latigidzidzidzi leti-R12.9, futsi labuyisela samba setigidzidzidzi leti-R2.9 etinhlanganweni letitsintsekile;
- I-SIU ivule emacula lamane eNkantolo Lephakeme macondzana nekuncipha lokutigidzidzidzi letinge-R62.1; kanye
- neluphenyo Iwaka-SARS loluvela kumiphumela yeluphenyo IweKhomishini nemphumela sekuholele ekutsini kugcogcwetigidzidzidzi leti-4.8. Nyalo i-SARS ibukene nemiklamo le-

*Inkhulumo Mayelana Nesitatimende*

18 lefaka ekhatsi emacula ange-222. La-11 alamacala atincomo leticacile lekufanele kutsi titfotjelwe baka-SARS bese kutsi la-8 asaphothuliwe kanti amanye asaphenywa.

Le-MTBPS yanga-2022 iphakamisa tinsita letengetiwe esabelweni setimali Umtimba Wavelonkhe Wetekushushisa, Lephiko Lwekuphenya Lolukhetsekile, Sikhungo Setebunhloli Kutetimali kanye Lephiko Lwekugcogcw Kwemtselo LwaseNingizimu, kute kutsi kuchutjekwe nekwenta ncono emandla embuso ekuphenya nekushushisa bugebengu lobubucayi betetimali.

Kwengeta, lokunye Hulumende latawukwenta kushicilela lisubuciko lavelonkhe lelibuyeketiwe lekuhlola bungoti mayelana nekulwa nekushushumbiswa kwemali kanye nekusita emaphekula ngetimali.

## SIPHETFO

Make Somlomo, angiphetse ngekuphindzaphindza lengikushito ekucaleni: tinhoso tetfu tentsandvo yelinyenti titawunikwa imphilo tiphindze futsi tisimamiswe ngumnotfo lokhulako nalosimeme.

Asikwati kutsalalisa singanaki budlelwano lobusemkhatsini wentsandvo yelinyenti nemnotfo, kanye nebullewano lobusemkhatsini wepolitiki nekungalingani.

Sinenhlanhla yekuba neluhlakamsebenti Iwetemtsetfo nenchubomgom, lolusekelwa ngumbononchanti wepolitiki, lolusivumela kutsi sigucule timo temnotfo tebantfu bakitsi futsi sifeze sitsembiso sentsandvo yelinyenti.

Le-MTBPS isikhumbuta ngesidzingo lesiphutfumako sekuphishanekela tingucuko temnotfo wetfu ngendlela lengagucuki, sicabanga ngenkhululeko yebantfu bakitsi.

Akukafaneli kutsi sitsatse kancane kuchumana Mengameli Wangaphambilini Nelson Mandela kanye nalabanye baholi labanyenti labalandzela emuva kwakhe, benta umehluko emkhatsini wemnotfo lotfutfukako, kanye nemmango lolungile nalonebulungiswa. Loluchungechunge lolubalulekile lolusebenta kuMtsetfosisekelo wetfu kanye naleSitatimende Senchubomgom Yesabelomali Sethemu Lesemkhatsini. Kufanele kutsi siwugadze lomgomo kanye nesento sekusimamisa lesinawo lapho senta umsebenti wetfu.

Make Somlomo, ngibonga Mengameli naSekelamengameli ngekungesekela kanye nebuholi babo. Ngibonga Sekelandvuna yeTetimali, kanye nelitsimba leMgcinimafa Wavelonkhe, leliholwa Libambela leMcondzisi Jikelele.

Ngibonga kakhulu kuKhomishina Welephiko Lwetekugcogcw Kwemtselo LwaseNingizimu Afrika, kanye neMbusi weLibhangesilulu LaseNingizimi Afrika.

Angiphindze ngibonge balingani bami ngekwemsebenti eKomidini leTindvuna leSabelomali kanye naseMkhandlwini Wesabelomali labasebente ngekubambisana ekutsatseni tincumo letimatima Isebetifanele kutsi tentiwe. Ngalokufananako, Emakomidi ePhalamende eTetimali nekwabiwa Kwetimali, ngiyabonga kakhulu.

Kwekugcina, ngibonga wonkhe umuntfu waseNingizimu Afrika. Sisebentela kunenta nibe ncono. Ngiyabonga.